

PURGUNTAS KI TA FAZEDU TXEU

Sobri Vasina COVID-19 pa Kriansas di 6 mes a 5 anu

Pamodi ki kriansas debi toma vasina COVID-19?

COVID-19 podi dexa kriansas duenti dimas. Milharis di kriansas i adolisentis ku COVID-19 tevi ki ser ospitalizadu, i COVID ki ta dura ta kontisi na kriansas.

Vasina e midjor manera di proteji bu kriansa pa ka fika duenti dimas. E ta djuda proteji mininu pikinoti ki ka podi uza maskara o pratika dis-tansiamentu sosial. Vasina kriansas ta djuda proteji kenha ki nu ta ama ki ten risku di duensi dimas ku COVID-19 tanbe.

I si nha fidju dja panha COVID-19?

Kriansas debi vasinadu, mesmu si djes panha COVID-19. Pesoas ki dja vasinadu kompletu ten midjor proteson ki pesoas ki pan-ha COVID-19. Si bu fidju dja panha COVID, e podi toma vasina logu ki es rikupera di duensa i ses periudu di izolamentu dja finda.

Si n toma vasina COVID-19 duranti gravidez, nha fidju ten ki toma vasina sime? I si mi e vasinadu i atualmenti n sa ta da nha fidju mama?

Sim, bu ten ki vasina bu fidju mesmu si bu toma vasina duranti gravidez i/o bu sa ta da bu fidju mama. Mesmu ki antijenus podi pasa duranti gravidez i amamentason, proteson podi diminui ku tenpu.

Vasina COVID-19 e siguru pa nos kriansa? I kes ifeitus a longu prazu?

Sim. Siguransa di vasina foi studadu na mas di 10,000 kriansas ku idadi entri 6 mes i 5 anu. Alguns kriansas tevi ifeitus kolateral moderadu sima kansasu o feбри, mas es ka dura txeu i tudu es midjora rapidu. Vasina COVID-19 pa kriansas e un tipu di vasina ki ta txomadu vasina mRNA, ki foi studadu na animal i na umanu duranti anus, sen ifeitus a longu prazu. Pamodi COVID-19 podi duensi kriansas, toma vasina e midjor skolha pa saudi i siguransa a longu prazu.

Vasina COVID-19 e efikaz?

Sim. Testis kliniku mostra ma vasina pa mininu pikinoti e efikaz na riduzi taxa di infeson i na kria nivel di proteson na kriansas similhanti a nivel di adultus.

Undi ki nha fidju podi toma vasina?

Si pusivel, kontata prestador di sirvisu saudi di bu fidju pa fazi un mar-kason. Si bu fidju ka ten un prestador di sirvisu di saudi, uza VaxFind-er.mass.gov pa atxa un markason na un farmasia, sentru di saudi, o otu lokal ki ta vasina mininu pikinoti. Vasinason na kaza sta disponivel pa kualker pesoa ki ka podi bai na um kau di vasinason kumunitariu.

